



江津縣志卷八

學校志 學宮 學制 附學校 畢業 學校 勸學所 教育會 附科

學宮

學宮在縣城南安門內宋治平元年甲辰邑令鄭諤始建元皇慶壬午子邑令安文憲重修石登有記元末兵燹僅存大成殿

記云廟在縣治之西南隅文明坊之地始創於治平之乙巳歷二百一十一年而後廢於乙亥亦神明氣運之一厄也昔人所建非一時似翁一建於丙申而復燬王善慶石可順再建於乙巳而不就前張縣尹已建廟門有意作興而未遑也前後二十五年之間屢建而屢廢者人事之不齊無人專以主之也壬子冬安公文憲出宰是邑不遑他務以學

情懷

全書

全書

江津縣志卷之二
校爲己事輒舉而新之割己俸督工役恢宏制度不踰時而氣象一新
儒風大振矣

明洪武八年邑令田子貞增修兩廡齋堂宣德中邑令袁旭何信修明倫
堂及兩齋饌堂並鑿泮池梁混有記明末兵燹盡廢

記云永樂戊戌臨川袁侯以乙未進士來令江津與姑蘇王應辰圖修
明倫堂及兩齋饌堂迺振舊基增高加廣始於庚子六月至八月而殿
成將有事於門會當入覲例應令致事遂已父老德侯政復不怠寡弱
相率懇留於朝侯以洪熙乙巳復任勸督如初主簿李巖典史嚴祿協
心贊助爲戟門兩廡及廡若干楹以神廚牲房舊在講堂後供祀弗虔
改作於戟門右又以餘財作齋房沐浴之所於西廡側凡百皆具其繼

工於宣德丙午之十二月落成於丁未二月之壬寅

清康熙二十二年邑令王璧重建仍其舊址並記

記云牧民之要在於養士固風俗之原也士習端則民俗正士習厚則民俗醇故凡剏治之初必先選勝地以居學宮根本所係固不重歟余以庚申八月奉檄至津正恢復之際大師雲集荒煙滿目民無一家廟貌官舍折毀殆盡及展謁大成殿止數柱撐持椳栒頽敝門壁兩廡周圍牆垣悉就傾圯啟聖名宦鄉賢諸祠則一片荒基鞠爲茂草至靈星諸柵甬壁泮池更糞穢山積目不忍觀余仰觀之餘皇然太息竊有志興廢而拮据未遑也越壬戌春蜀寇平大師前進乃集諸生李伯順劉定程于理暨社生卞祐苟爾玉幸爲燦楊澤英等舉修葺之議諸生以

工大費廣且值米價騰貴公私匱竭慮余清苦之操不克辦此余曰興學造士守土之責顧余行李稍有餘資敢置此或緩乎若踵前跡而博虛名貪人工爲己力余不爲也於是鳩工役庀材料具薪米令劉定苟爾玉等董其事焉不意事粗集而奉諸憲三委查木兩調入簾輾轉連年未得報竣至戊辰歲復募土木之工於成都木石磚瓦黝堊丹漆畢具令苟爾玉幸爲燦暨余鄉人苗可秀與廣文羅君焄贊政朱君茂謙朝夕監督余公事之暇躬往營度闕者剝朽者易失序者舉頽廢者興增設齋戒俎豆二所奉御書萬世師表於殿門除廣文贊政紳士諸君樂爲相助外計余前後共捐四百餘金閱半載而告成並贍資給津人盧應貴永爲看守不獨煥然改觀其樸素渾堅可卜悠久矣是舉也上

以副聖天子崇儒重道之盛心下以盡守土者養士厚俗之職業雖捐
修學宮例有議叙之典余其敢自以爲功乎余自蒞津以來卽招徠撫
字日不暇給必進諸生而課之癸亥秋督學使者至錄文武弟子三十
人歲以爲額凡三舉賓興登賢書者四人貢成均者五人薦薦揚者二
人津之士駸駸乎盛矣余縻於此荏苒九年喜其民無匪僻之行循謹
厚之習絃歌之聲比屋而有余雖飲冰茹蘖亦用是慰且樂也江邑名
公巨卿代不乏人如前明江少師之相業鄒侍御之文學皆炳烺一時
輝映千古津人士其以爲法焉則余之所厚望耳因記其始末勒之石
雍正八年邑令王朝選改建崇聖祠及明倫堂初明倫堂在大成殿後崇
聖祠原名啟聖祠在學宮右腋雍正元年更名崇聖祠是年王朝選始於

明倫堂基址改設崇聖祠別建明倫堂於崇聖祠右儒學宅又新製殿龕
增祭器築圍牆泮池規制粗備乾隆四十一年漸卽傾圯邑令周鳳儀
教諭馮迺駟邑進士楊長佐倡建增高大成殿兩廡稱之移照牆於泮池
外周鳳儀有記

記云伊古道化之原士爲民首而儲才毓秀始自黌宮余以壬辰奉檄
來津祇謁文廟仰瞻規制中有未慊隨奉調赴塞垣嗣是連年軍務迄
無寧居丙申夏初師旋回任適司鐸馮君言殿宇破壞業經倡議修葺
余謂區區補苴未若煥然重新之爲久遠計也今夫獻囚獻馘詩美泮
宮我朝天威震疊兩金蕩平鑾輿東幸瓣香闕里崇儒重道之典千古
未有江陽雖僻在一隅而涵濡皇仁人文稱盛顧令士民報本之地可

因陋就簡乎邇其所自始基於宋代中歷滄桑洎國朝定鼎康熙二十
二年前令王公諱璧者復刼建之垣墉成於版築廟門體勢亦稍卑隘
但兵火之餘權輿構造厥功偉矣越雍正辛亥年前令王君朝選踵修
兩廡改設崇聖祠新製殿龕增添祭器又於靈星門外置義路禮門二
坊圍牆開沼規制粗備奈其中編籬成壁久而剝落諸待更新惟念軍
需甫竣未免時絀而舉羸也爰集三里紳士共籌經費庀材鳩工僉謂
學宮重地宜整飭者久矣矧值時和歲稔眾擎易舉寧患不支余爲躍
然起曰邑中士習之美有如是哉斯其發祥殊未艾矣廟基舊宅城南
襟鼎岡帶几水鶴峯西峙香爐東橫孤塔凌霄華蓋環翠山川清淑之
氣代生賢哲光勒鼎彝近於簿書暇日校閱文藝率皆磊落英多安見

古今人不相及歟未幾而余以烏鳥私情援例申請獨惄然憂此舉之
或輟也會刺史懷公來署邑篆語次爲述始末公復雅意崇獎余乃薄
助廉俸屬馮君就近董其事兼值萬載令楊君讀禮初罷倡諸生極力
摒擋經始於四十一年九月十九日訖工於四十二年正月二十九日
一轉瞬間而卑者以崇脆者以堅狹隘者以宏且麗自大成殿兩廡至
戟門泮壁結構一新余以候咨旅館目覩其成乃偕諸寅好暨同事紳
衿分班肅叩竊幸初願皆慊更冀多士學遠浮華誼敦古處裒然爲編
氓表於以見地靈人傑且慶聖朝道化之隆蒸蒸日上也是爲記

乾隆四十二年邑令曾受一移崇聖祠接於殿後並建奎星閣四圍垣牆
悉易甃石曾受一有記

記云壬辰夏予待次京師適長沙周君選授熨溪聞余爲舊尹儼然來
謁愧無政可告且以目前城工大役三載始得竣事心力耗竭諸多未
遑一切闕失亟待彌縫啟告周君固請願有聞因授以在任時所修津
志周君覽而悅之曰君所爲與所欲爲具見於斯願終君志隨束裝之
任謁文廟歲遠材朽宜重修適金匱不靖出入塞垣者數年迄丙申夏
大師振旅始得旋邑與學博馮君集紳士籌經費自丙申季秋經始鳩
工庀材結構方新而君以太夫人春秋高陳乞終養冬十月代者刺史
懷公至君以候咨之暇親董厥工今正聖殿兩廡戟門成就君已自記
其顛末於前矣憶予自己丑年冬月以署合篆因公降秩一級庚寅六
月入都迄壬辰冬改選同郡長壽實與周君先後至蜀嗣奉委巴邑頻

獲良晤今春歸猶以文廟工程未畢諄諄爲囑予曰此大工之餘後人自應任之且學博馮君在君何憂焉夏四月予適奉檄自巴調署津邑計離津七載有餘至則馮君具言其事予周遭閱視宮高於前矣而牆弗稱數仞之謂何又廟前甬道左右兩階及內外之地均未甃以石虧功不少馮君復建言崇聖祠毗連學署體制不協非所以妥聖廟也舊有奎星閣前人建以壯黌宮體勢今傾圮破漏不改修亦非所以復古也爰偕馮君暨諸紳士悉心籌畫撥公項五百緡復行續僱募項以蒞其事於是牆稱其宮階升有路祠易其地閣亦巋然鉅工於是乎畢且予前蒞津時覽斯地形勝黌序之左良方來脈也又形家者言坐向納甲文昌之位也宜建高閣曾砌石臺丈許作基並發簿醵金適以鐫秩

去遂中止茲重來亟收前募金踵成之自是文光射斗人傑地靈雲蒸霞蔚於今秋闈發其兆矣予旣許與周君先後相與以有成故續記其事而左畔文昌閣實爲黌宮建也因附記之

嘉慶九年邑令徐鼎增高靈星門及東西宮牆道光二十一年邑令張其仁因邑紳請重修中經段榮恩廖應麒沈廷貴督工籌募二十三年冬落成共費三萬五千餘金丹牘黜聖規模宏闊邑令沈廷貴有記

記云江津之有孔子廟邑志所載漢唐無徵宋治平甲辰鄭諤始建元皇慶壬子安文憲重修後經兵燹惟存大成殿明洪武八年田子貞勗修兩廡齋堂宣德中袁旭修明倫堂開鑿泮池末年俱廢國朝康熙二十二年王璧重建雍正九年王朝選改增規制漸備乾隆四十一年周

鳳儀興工重修會受一繼之越一載告竣百年遺跡煥然改觀自時厥後六十餘年漸傾圯今上二十年庚子前任張靜山捐廉爲士民倡經始於辛丑暮春精選形家拓展基址購榱楠於遠道招匠石於名區蓋四載於茲矣未幾薦陞濮琅圃繼之後建奎閣高聳數尋文星透露通顯可期甲辰兩科捷禮闈者一人膺鄉薦者五人焉不可謂非聖廟聿新之功也余任銅梁八年辛丑移建聖廟門庭殿廡皆在磐石上鑿泮池時所採嘉石無算不煩他運悉取資於其中是有天授非人力也文武科獲雋者四人明效大驗亦足憑矣今春二月蒞任茲土謁廟後邑紳士以功虧一篑告乃於捐輸未足或有稍緩者勸諭激勵之閱九月落成兩學署亦修整完固計費銀三萬五千兩有奇繼自今多士勵厥

躬修力求淵博他日必有如楊侍郎倪太宰之器識梁端肅周襄敏之政事江少師之相業鄒侍御之文學步後塵而繼起者予將拭目俟之因記其顛末並誌勦修原委以泐諸板董其事者原任直隸完縣李君昉原任江蘇贛榆縣袁君坦原任浙江嘉興縣江君思濬州同羅君巨川布理問陳君化監生劉君廷颺府知事王君宗武採辦木料武生楊君榮香例得備書

民國三年六月學宮火大成殿東西廡下悉爲灰燼幸崇聖祠未燬移聖位入祠內春秋祭祀就其地饗焉文化之區竟成焦土嗣後時議修復以軍事不果九年經眾決議推舉邑人邱鴻翔王樹修施襄能董其事十年秋經始十一年七月落成邑人劉澤嘉有記

記云江津孔廟故巋閔冠他邑民國三年六月司鑰者不慎大火崇聖祠奎閣外無存者彌望瓦礫行者傷之夫聖廟爲聖賢香火地典隆重都人士屢議修復則以兵事旁午工大款絀不果去秋申議僉謂不宜緩時陳君文濤方主邑收支事抽金萬許有待則予撥用公舉邱樂鈞王竹村施槐青三君董之邱君故視學也事方經始忽海內外留學子騰書至謂孔子非宗教家中國不當有國教循專制習慣崇迷信而因以啟宗教上之爭豈所望於鄉先生哉且糜款滋甚甚無謂不如就地建女校開通風氣振興教育之崇實而有得也辭頗峻當事者畏其口遂中輟顧都人士滋不平謂孔子人師自有可尊者不以其宗教否也詩人有祠廟而况孔子吾自崇拜道德耳或謂孔子之道實有小康大

同一義大同者建造共和之極軌也不得謂國體更易遂出聖道籠罩之外或謂茲事體大豈目論之士輒能置喙國會常建議矣崇孔者卒戰勝吾惟立法者之從且一炬成焦銅駝荆棘七年不復津人恥也失今不圖款將散而不可保修之便或有調停其說者謂聖廟於學務宜盍規鄰邑先例移勸學所其中兼司鑰而以前勸學所作女校一舉數善僉曰可則更舉執事若而人以竹村君專其成居無何而但楊一二兩軍之難作津迫戰地鞭呼急星火幾輟工矣幸督者不懈益厲卒以十三月歲事大成殿六楹仍舊制也惟去山節斲雕而爲朴大成門外爲室六顏曰名宦祠鄉賢祠忠義孝弟祠通覆黃瓦牆丹牖東西廡基仍舊惟神主位一室其下各五室備辦公用兩旁鐘鼓樓屹相向其舊

存者皆新之隙地樹花木焉點綴風景嚴肅而清雅此其大較也就中
有因革損益蓋以聖廟制度清往矣不足法民國擾擾迄未頒行無所
適從姑意爲之節財也求適用也約支銀萬四千兩有奇夫新聖廟以
安先聖砥頹俗意良善振起衰廢刮新耳目又邦人之責也籌款者之
力而率作者之功也雖變亂不捨也旣成趣嘉記之嘉益穆然有車服
禮器之思

學制

清縣設教諭一訓導一初定江津學額歲試取入文武學各八名科試取
入文學八名雍正四年督學任蘭枝奏增四名共十二名廩生二十名增
生二十名歲貢生三年兩貢咸豐七年以縣中曾解津貼捐輸銀一萬餘